

彰化縣鹿港國小教師公開授課自我省思與改進

政府對母語愈來愈重視，誠認真咧推 sak1 佢鼓勵逐家講台語，這馬佇學校嘛有誠濟學生因仔定定用台語來佢我開講，猶是 kah 我問好講：「gau5 早，」雖然講起來有淡薄仔臭奶呆，猶毋過聽起來嘛真心適！

學台語就是要捷聽、捷講，按呢才會愈來愈 gau 5，所以教學過程中，我定定鼓勵學生因仔愛開喙講毋通驚見笑，遮古錐的因仔真巧閣在膽，逐家搶欲回答分享對「好日」的看法，有的小朋友講：好日，就是歇睏日規家伙仔出去外頭四界迺迺，一个查某因仔講：逐工穿一領家己上佢意的嬌衫去學校讀冊，閣有一个生做真古錐膨皮的因仔講：逐工會使食著阿母攢 kah 誠腥臊的暗頓就是好日！真的是逐个人的好日攞無仝款。

往過傳統的民俗，嫁娶、開市、入厝、動土…等等，攞是掀曆曰來揣一个好日子，猶毋過隨時勢無仝款矣！逐家攞無禁無忌，看著紅字攞是好日，若是我的「好日」就是逐工笑微微，用正面樂觀的心態去看待拄著的任何代誌！

佇這節課結束，我檢討家己有啥所會使調整的所在，發現佇時間安排無誠四序，無法度予逐个因仔攞會使發表 in 的想法，我講話的速度嘛傷緊，後擺上課我著要提醒家己愛注意，落尾，向望遮古錐的學生因仔 kah 台語生活化，閣會使逐工歡頭閣喜面，逐工幸福過好日！